

Канон святителю Арсению, епископу Тверскому

Память празднуем 2 (15) марта

Тропарь, глас 8-й

Благочестно пожив во святительстве, люди просветил еси учением твоим, и о храме Пречистыя вельми подвизався, и любитель монахов быв, сего ради от Христа паствы твоея венец приял еси. Темже, яко апостольского престола наместника и святителя великаго чтуще тя, молим, чада твоя, блаженне: от всех бед избави нас яже ко Христу молитвами твоими, святителю Христов Арсение, отче наш.

КАНОН, ГЛАС 2-Й

Песнь 1

Ирмос: Грядите, людие, поим песнь Христу Богу, раздельшему море и наставльшему люди, яже изведе из работы египетския, яко прославися.

Припев: Святителю отче наш Арсение, моли Бога о нас.

Свете от Света, Христэ Боже, от Отца прежде век рождейся и искони Сый со Отцем и Духом, мрак души моея отгнав, озари ум мой, молюся, яко да возмогу пети Твоего угодника, Арсения священнаго.

Святителю отче наш Арсение, моли Бога о нас.

Аще и человек еси естеством, отче, но ангельски на земли пожил еси, деснаго пути от юности емься, целомудрия рачитель быв, Духа Святаго честное обиталище, Арсение священне, явился еси.

Слава: Мудрости главизну, страх Божий возлюбив и заповедем Его присно поучаяся, древо насадися при исходящих вод духовных, от нихже, отче, напаяемь, плод Христу, Арсение, принеслся еси.

И ныне: Услыша Ева прамати, чистая: в печалех родиши чада. Ты же, Дево, услышала еси: Господь с Тобою, радуйся, и радovanным гласом, Богоневесто, печаль праматере потрельши.

Песнь 3

Ирмос: На камени мя веры утвердив, расширил еси уста моя на враги моя, возвесели бо ся дух мой, вегда пети: несть свят, якоже Бог наш, и несть праведен, паче Тебе, Господи.

Святителю отче наш Арсение, моли Бога о нас.

Презрев нижняя, яко попираема, и любовь родителей преобидев, Христа взыскал еси, Егоже любовью душу твою уязвил еси, Того любя и Того ища красоты.

Святителю отче наш Арсение, моли Бога о нас.

Светильник сый, твою душу украшая слезами, рано ко Христу утренюя, руку же

простёртием в моли́твах, Амалі́ка тѣло умертвѣл еси́ и на го́ру безстра́стия возше́л еси́.

Слава: Благо́родием высо́к и благоду́шием изы́щен, ра́зума му́дростию удивле́н был еси́, Цвет я́ко прекра́сный, чистото́ю сия́я, и све́тлым смире́нием, Арсе́ние о́тче, украси́лся еси́.

И ны́не: Ма́ти Бо́жия, Пречи́стая, Благослове́нная и Пренепоро́чная, душі́ моея́ стру́пы исцели́ и стра́сти плотскія умертви́, умири́ ум мой, от вся́каго вре́да и вра́жия напа́сти изми́ мя, Влады́чице.

Господи, помилуй (трижды). Слава, и ны́не:

Седален, глас 4-й

Вели́кий Христо́в святите́ль да воспо́ется, столп све́тлый, просвеща́яй нас чуде́с светлостью́, Богоно́сный о́тче наш Арсе́ние, па́стырю и учи́телю земли́ на́шея, Христа́ моли́ о ста́де твоём и о всех, ве́рою и любóвию чту́щих святу́ю па́мять твою́.

Песнь 4

Ирмос: Пою́ Тя, слухом бо, Го́споди, услы́шах и ужасо́хся: до мене́ бо и́деши, мене́ ища́, заблуждшаго. Тем мно́гое Твое́ снизождѣ́ние, е́же на мя, прославля́ю, Многоми́лостиве.

Святите́лю о́тче наш Арсе́ние, моли́ Бо́га о нас.

Вельми́ украси́л еси́ престо́л твой, святите́лю Арсе́ние, вели́кими бо чуде́сы преспѣ́л еси́ и жити́ем све́тлым, сего́ ра́ди превели́кий Бог наш вельми́ тя просла́ви.

Святите́лю о́тче наш Арсе́ние, моли́ Бо́га о нас.

Ми́лости Подáтеля Го́спода ве́дый, блаже́нне, те́пле Его́ умоли́л еси́ на исцелѣ́ние и спасѣ́ние мно́гим, с ве́рою к тебѣ́ притека́ющим и в по́мощь тя призы́вающим.

Слава: Врача́ изрядна́ разли́чно недугу́ющим и наставле́ние всем, прельще́нным злым сове́том, Христо́с ты дарова́, чудотворца́ земли́ на́шей, святите́ля Арсе́ния, те́мже ты ублажа́ем.

И ны́не: Исцели́ла еси́ сокруше́ние, Всенепоро́чная, дре́вняго ока́янства земле́ных, поро́ждшая Го́спода и Царя́ Христа́, понѣ́сшаго неду́ги на́ша за благосе́рдие неизглаго́ланное, Де́во Ма́ти.

Песнь 5

Ирмос: Просвещѣ́ние во тьме лежа́щих, спасѣ́ние отча́янных, Христѣ́, Спа́се мой, к Тебе́́ утреню́, Царю́ ми́ра, просвети́ мя сия́нием Твои́м, ино́го бо, ра́зве Тебе́́, Бо́га не зна́ю.

Святите́лю о́тче наш Арсе́ние, моли́ Бо́га о нас.

Сла́вный па́стырь, неисто́щимый исто́чник исцелѣ́ния, церко́вный столп, ве́рных утвержде́ние, вели́кий свети́льник многосве́тлый, святите́лю Арсе́ние.

Святите́лю о́тче наш Арсе́ние, моли́ Бо́га о нас.

Яко светоза́рно жити́е, я́ко зело́ чу́дно, я́ко красни́ трудо́ве твои́, я́ко вели́ка́ благода́ть свѣ́ше дана́ ти, му́дре, сего́ ра́ди ве́рою почита́ем тя, святите́лю Арсе́ние.

Слава: Пресве́тлая твоя́ па́мять простира́ется в ми́ре и просвеща́ет челове́чeskія ду́ши све́том благода́ти; ю́же соверша́ющих любóвию, от бед нас изба́ви, мо́лимся, святите́лю Арсе́ние.

И ныне: Се одр Соломонов, егѣже обстоѣтъ сѣльнии, Богодуховенныхъ списаний ныне прорицания, на немже Христосъ Богъ воплощениемъ почилъ есть, Благословенная и Обрадованная.

Песнь 6

Ирмос: В бездне греховней валяясь, неизследную милосердия Твоего призываю бездну: от тли, Бѣже, мя возведи.

Святителю отче наш Арсение, моли Бога о нас.

Светильника ты сущи во тьме прелести, нелестно наставляюща, обрѣтше, к путю живота, Богоблаженне Арсение. И ныне по смерти врачъ явился еси болящимъ Духа Божественною благодатию.

Святителю отче наш Арсение, моли Бога о нас.

Закономъ повинуюся Владычнимъ, заблудшия възскал еси и во ограду покаяния привел еси, яко пастырь истиненъ показався стаду твоему, отче святителю Арсение.

Слава: Священнаго храма, отче, Божественнаго Духа верою быв, создал еси храмъ Пречистыя Матере Божия и Ея угодниковъ, Антонія и Феодосія, и обитель пречудную сотворилъ и украсил еси, в нейже тело твое положено бысть.

И ныне: Законы о Тебѣ преславно, Дѣво, обновляются: раждаеши бо без семени Бога Спаса и пребываеши, девствующи паки, странно чудо. Тем Тя, Матерь Еммануилеву, благочестно исповедуемъ.

Господи, помилуй {трижды}. Слава, и ныне:

Кондак, глас 8-й

Восприемши радостно честныя твоя мощи пречистая церковь, в нюже честно вносимы множествомъ священномонаховъ и князи благоверными, и яже приемши, яко сокровище многоценное. Темже и мы ныне, твоя ограды словесныя овцы, окрест раки твоя предстоюще, любезно вопиемъ ти: не забуди чад твоихъ, отче, ихже мудре собралъ и возлюбил еси, яко да зовемъ ти: радуйся святителю Арсение, пастырю и учителю наш.

Икос

От скверныхъ устенъ, от нечиста сердца, како ти принесу хваления, окаанный? Ужасаюся и трепещу, но, надеясь на твой благосердный нравъ, отче, хвалу ти приносимъ, глаголюще: радуйся, пастырю нашъ добрый, святителю Арсение, упасый стадо Христово; радуйся, дивный чудотворче, притекающимъ к тебѣ с верою неоскудно исцеление подавая; радуйся, церквамъ воздвижение и иноковъ любителю, сирымъ и нищимъ подателю; радуйся и ты, Богохранимый граде Тверь, яко такова имѣ в себѣ поживша святителя; радуйся и веселися, Божия Матере церковь яко любимый Тобою в тебѣ почилъ есть Богомудрый Арсений. Но, о Богоблаженне отче! Аще и теломъ прешел еси от насъ, но духомъ пребывая с нами, и молися за ны Христу и Пречистой Его Матери с Ея угодники, Антониемъ и Феодосиемъ, и спасай поющихъ тя, да зовемъ ти: радуйся, святителю Арсение, пастырю и учителю наш.

Песнь 7

Ирмос: Богопротівное велѣние беззаконнующаго мучителя высокъ пламень вознесло есть; Христос же простре Богочестивым отроком росу духовную, Сый благословен и препрославлен.

Святителю отче наш Арсение, моли Бога о нас.

Вышний Царю и Вседержителю, молитвами Твоего угодника жизнь умири всем, Слове, христианом, пособствуя на варвары благоверным, да Тебе, Христе, зовем: благословен Бог отец наших.

Святителю отче наш Арсение, моли Бога о нас.

Престолу предстою Божию, святителю Христов Арсение, моли прилежно не притай о нас, твоих рабах, да огня вечнаго избавимся и всякаго озлобления, от враг находящаго, твоими молитвами.

Слава: Исцеления подаваеши всюду верою к тебе притекающим, святителю Арсение. Темже молим тя, твой раби: печаль нашу в радость преложи и от всякия избави скорби твоими молитвами.

И ныне: Страсти моего сердца исцели милостию Твоею, Всепетая, ум мой умири, и душу мою просвети, и ходи мя направи на стезю спасительную, яко да пою Тя, Препетая.

Песнь 8

Ирмос: В пещь огненную ко отроком еврейским снишедшаго и пламень в росу преложшаго Бога, пойте, дела, яко Господа и превозносите во вся веки.

Святителю отче наш Арсение, моли Бога о нас.

Устроив твою жизнь боголепно, святителю Арсение, строитель изряден показался еси твоей обители и светло приятелище Божие.

Святителю отче наш Арсение, моли Бога о нас.

Чудес глубина и исцелений река, источник непрестанен, струя, никакоже оскудеваема, твоя рака показася, отче.

Слава: Иже к Богу молитвами твоими теплыми очисти нас от всякия скверны, и скорбей, и болезней и всякия нужды, святителю Арсение, избави.

И ныне: Пресвятая Дево, Ты мя спаси и немощи моей буди помощь, скорбей многих и лютых мя избави, да Тя славлю, Едину Богородицу.

Песнь 9

Ирмос: Безначальна Родителя Сын, Бог и Господь, воплощся от Девы, нам явися, омраченная просветити, собрати расточенная. Тем Всепетую Богородицу величаем.

Святителю отче наш Арсение, моли Бога о нас.

Чудеса бо твоя многа и исцеления безчисленна независтно подаваеши с теплою верою приходящим, Арсение святителю, похвала земли нашей.

Святителю отче наш Арсение, моли Бога о нас.

Постави тебе Христос Матере Своей Церкви столпа крепка и неподвижима, соблюдающая и назирающая град твой неподвижим и святую обитель Свою.

Слава: Святители́ убо и князи́ благочестíвии, священницы́ и иноцы́ и вси лю́дие, мѹжи и жены́, и старцы́ со младенцы́, и всяк вѹзраст, и всяко состоя́ние, святителю́ нашему́ Арсе́нию свѣтло прѹзднуем.

И ныне: Моли́ Твоего́ Сы́на, Госпоже́ Пречи́стая Богоро́дице, изба́вити мя в день стра́шнаго осужде́ния, да, ра́дуясь, пе́сньми велича́ю Тя.